

# Тәрбие жан-жақты берілуде


Ауылдар арасында іргелі білім ошақтарының бірінен саналатын Екібастұз орта мектебі бала саны жағынан өзге ауыл мектептерінің ішінде алда тұр. Бүгінгі таңда мұндағы 132 оқушы 22 ұстаздан білім алуда. Өткен жылы мектепті бітірген 9 түлектің біреуі мемлекеттік грантпен жоғары оқу орнына түскен болса, екеуі қала әкімінің грантымен білімін әрі қарай жалғастыруда.



Қ.Қажикова ашық сабақ беруде

Соңғы екі жылда Екібастұз орта мектебі ғылыми жұмыстармен көзге көрініп жүр. Мәселен, биылғы оқу жылында Төртүй ауылының тарихын зерттеген Г.Қабылтаева /жетекшісі Р.Т.Сағынбаева/ облыстық ғылыми жобалар сайысына қатысып, сертификатқа ие болған.

Алдағы жаңа оқу жылында мек-



Қ.Қ.Әжіғұлова

тепте шағын орталық ашылмақ. Онда 3 пен 5 жас аралығындағы 25 бүлдіршін тәрбиеленетін болады. Қазір 1-сыныпта 6 бала оқып жатса, келер жылы 7 бала мектеп табалдырығын аттамақ. Ал одан кейінгі жылы мектепке 15 бала келеді деген болжам бар. Бұдан ауылдағы халық санының жыл өткен сайын артып келе жатқанын көруге болады. Мектеп биылғы оқу жылында тарих пен ағылшын пәндерінен сабақ беретін екі жас маманмен толыққан


лық қамтамасыз етілген деуге толық негіз бар. Медбике Әжіғұлова Күләш Құматқызының айтуына қарағанда, 42 тұрмысы төмен отбасыдан, 10 тубвиражға шалдыққан бала асханадан тегін тамақтанады.

-Біздегі 10200 кітап қорының 6 мыңы мемлекеттік тілде,-дейді мектеп кітапханашысы Иманғазамова Әсіма Әшімқызы. Жыл сайын қалалық білім беру бөлімі тарапынан жаңа кітаптармен толығып отыратын кітапхана қорының жартысы оқулықтан, қалғаны әдеби көркем шығармалардан тұрады. М. Әуезовтың “Абай жолы”, Б. Майлин мен Ф. Мүрептің бірқатар шығармаларының электрондық нұсқалары бар көрінеді. Балалар да электронды оқулықтарды тыңдағанды ұнатады. Кітапханадағы шаралар әдетте сахналық қойылым түрінде өткізіледі. Атап айтқанда, жуырда мұнда М. Әуезовтың “Қилы заман” романының желісі бойынша сахналық көрініс қойылған.

Мектепте табан аудармастан 30 жыл бойы дене шынықтыру пәнінен сабақ беріп келе жатқан тәжірибелі ұстаз- Тасболат Жұматаев. Ол мектепте волейбол мен үстел теннисін жақсы дамытса, спорт әдіскері, жаттықтырушы Жәнібек Әділжанов ер балаларды баскетболға баулуды қолға алған. Нәтижесі түрлі жарыстарда байқалып жүр. Атап айтқанда, үстел теннисінен оқушылар былтырғы оқу жылында қалалық жарыста үшінші, қыз балалар волейболдан

аймақтық жарыста бірінші, ер балалар екінші орынды иеленген. Ал биылғы жарыста мектеп командасы үшінші орынға іліккен. Мектеп спортзалында әр кез спортпен шұғылданатын ауыл жастары Солнечный кентінде волейболдан өткен жарыста үшінші орынды иеленген.

Ауылға бөлінген шаңғылар мен конькилер, доптар қазір балалардың игілігіне айналған. Қыста оларды мұғалімдері шаңғы спортына баулыса, іргедегі өзенде мұз қатқанда коньки тебеді. Мұндағы тренажермен жаттығу да балалардың сүйікті ісі. Осы



Әсіма Әшімқызы

мектеп түлегі Уахит Жайдаров қазір Астанада Қазақстан біріншілігіне қатысып жүрген волейбол командасын жаттықтырады.

Мектептегі қыз балалар ою ойып, көйлек пішіп, тігуді, кілемше тоқуды, бір шимен кесте тоқуды еңбек пәнінен беретін Сұлтанова Равия Икрамқызынан үйренеді. Сонымен бірге өнерпаздардың сахналық киімдері, ұлттық киімдер де осында тігіледі. Еңбек мұғалімінің айтуынша, мұнда тігін және аяқ машинасы бар болғанымен, олардың тозығы жеткен. Ал бағдарлама бойынша пәнді меңгеру үшін іс машина қажет-ақ.

2003 жылы Қайролла Дүйсенбаев мектепте “Екібастұз нұры” газетінің жарық көруіне мұрындық болған еді. Содан бері осы басылым әр тоқсан сайын Көгершін Қажикованың жетекшілік етуімен жарық көріп келеді.

Кезінде дені білікті ұстаздардан құралып, озық мектептердің бірінен саналған Екібастұз орта мектебіне тоқыраудың ызғары тимей өткен жоқ. Бірақ жас та болса өзіне де өзгеге де талашылық мектеп басшысы Ибраев Жанат Қабдыухитұлының іскерлігі ісінен көрініп, қазіргі уақытта білім ошағында сапалы білім мен тәрбие беруге қажетті хал-ахуал орныққан.

пәндерінен сабақ беретін екі жас маманмен толыққан.

Мектептің бірінші қабатында интернат орналасқан. Интернат тәрбиешісі Манапова Ақшайым Шәкарқызының айтуына қарағанда, мұнда Мыңтомар, Ақши және Шилікұдық елді-мекендерінен 24 бала жатып оқиды. Кейінгі екі ауылда бастауыш мектеп жоқ. Сондықтан да интернатта бастауыш сынып балалары да бар. Былтыр қазынадан бөлінген 230 мың теңгеге интернат жаңа жиһаз бен жаңа төсек орындарына қол жеткізген. Кәсіпкер Ш.Ержановтың демеушілігінің арқасында мұндағы шымылдық пен люстра, еденге төселетін кілемдер де жаңартылған. Күніне бес мезгіл тамақтанатын балалардың ас мәзіріне енді балық өнімдерін енгізу қолға алына бастаған.

Мектептегі медицина кабинеті қажетті құрал-жабдықтармен то-



**Т.Жұматаев тренажермен жаттығуға баулуда**